


ル 4
3098
1





124
3098
1-13

壬申孟夏

生員陳鳳儀捐資
草花街黃泉記刊刷

臺灣府志

壹
銀肆元

署府學 教授楊承藩
訓導魏肇基 重修舊板

續修 臺灣府志序

蓋聞人以地傳地以人傳
而志亦猶是也閩之臺灣
為東南環海之區自昔為
逋逃藪故事多荒畧其地
亦莫可考自康熙癸亥歲
歸入版圖數十載生聚教

儿
3098
1

養日就蕃昌凡土地人民
政事自不可以無志前高
觀察劉副使及給事侍御
六范諸君子採集舊聞旁
搜衆紀薈萃成編固已綱
舉目張燦若列眉矣然或
所見異詞所聞異詞所傳

聞又異詞大都偶焉涉歷
留心勝槩公餘之暇纂述
蒐輯以備記載猶未樂觀
其備也中丞余公以乾
隆庚辰出守茲郡往返八
歷重洋凡山川之險夷水
土之美惡物產之盈縮風

臺灣府志
卷之

臺灣府志 卷之九
金月
氣之異同疆索之袤廣習俗之淳漓遠自殊族番黎下及兵民蔀屋罔勿心識手定勒爲成書集新舊志而增損之爲類十二爲卷二十有六祛泛濫要不漏不支綜覈詳明信今傳後

洋洋乎蔚爲瀛島巨觀矣
甲午冬屬序於予維予與公共事閩中先後廿餘年同寅協恭凡遇政刑體要靡不和衷商確以求其是而於臺灣重地尤爲留意體察共期綏靖救寧相與

以有成我

朝掃除鄭逆以還重熙累洽
百年來海隅日出罔不率
俾迄今狂榛味嚙文身椎
髻之鄉悉皆就甄陶而樂
化育故知

聖主御宇誠在德而不在險也

作者始封域訖藝文導揚
風勵備職方之掌使守土
者得所依據諮覽其地其
人瞭然心目則所以撫循
利導之術咸得從容就理
以太平
以仰副一道同風之盛治
是則予與中丞有同心也

夫

太子少保兵部尚書都察院右
都御史總督福建浙江等
處地方軍務兼理糧餉鹽
課世襲一等輕車都尉鐘
音譔

續脩臺灣府志序

地志之作昉於九州土訓
誦訓之所傳小史外史之
所掌今不可見惟職方所
載詳其山川藪浸及男女
穀畜之數猶可稽尋後世
沿革之於是而寰宇之記郡

國之書然東西南朔在聲
教之內則一切建置沿革
是非得失之故往往文獻
足徵據以成書其取材也
富斯其攷核也不虞其不
精若聞之臺灣則異是其
地孤懸海外澎湖之名僅

見隋史有明之季始爲荷
蘭停泊互市之所繼爲鄭
逆所踞文物未通於上國
者蓋數千百年而士大夫
留心勝槩者亦未由流憇
是邦纂述以備記載我
朝一德同風之治淪浹無外

康熙癸亥歲地入版圖休
養生聚迄今九十餘年不
惟富庶之規與中土埒而
詩書絃誦所陶澤亦彬彬
乎與諸夏爭後先予以乾
隆庚辰來守茲郡詢省舊
聞得康熙間觀察高公所
爲志及其後副使劉君補
葺之書而患其未備乃參
覈新舊諸志於簿書餘晷
搏摭羣籍博訪故老暨身
所經履山川夷隘之處傳
聞同異之由心維手識蒼
萃成編始封域訖藝文爲

類十二爲卷二十有六非
敢侈聞見之奇也良以狂
獠味嚙之區今躋於久道
化成子適獲導揚郵治以
備蘭臺之儲輜軒之採且
使守茲土者有所奉以諮
覽庶幾周悉其地域廣輪
人民畜產以脩其教而齊
其政不亦爲厚幸乎迺三
載報政旋膺觀察之任繼
而晉陳臬事

內召司寇雖於鯤身鹿耳之險
亦嘗揣斧鉞以靖蜃氛而
周遭還往八歷重洋是書

率因循而未付梓今復奉
聖天子赫聲濯靈建牙於榕陰
荔圃之中回首渤澥舊遊
宛然如昨而驚飈不扇番
社羣嬉鱗集之儔喁喁然
酌醴泉而溯永風予亦遂
得藉是退食從容手此一

編以溯洄於竹城赤嵌間
也爰是復加校閱授剗
氏而誌其顛末如左覽者
得毋謂予於斯地固有夙
因者歟然

聖澤所濡日新月異後之君子
據是編而增飾鴻模揄揚

臺灣府志
盛美於以補職方所缺畧
是又予區區之志也夫
賜進士兵部侍郎兼都察院右
副都御史巡撫福建等處
地方提督軍務兼理糧餉
前知臺灣府事古越余文
儀撰



臺灣府志目錄

卷首

舊序

原志姓氏

舊志姓氏

重脩姓氏

續脩姓氏

凡例

臺灣府總圖

臺灣縣圖

鳳山縣圖

臺灣府志

卷首

目錄

李士珍氏贈

諸羅縣圖

彰化縣圖

淡防廳圖

澎湖廳圖

臺灣府八景圖

卷一

封域

星野 建置 山川 形勝

卷二

規制

城池 公署 倉庫 坊里 番社 街市
橋梁 水利 海防 郵傳 郵政 義塚

卷三

職官

官制 官秩 列傳

卷四

賦役一

土田 租賦

卷五

賦役二

戶口 鹽課 水餉 陸餉

卷六

賦役三

存留經費 養廉 官莊

卷七

典禮

慶賀 接詔 迎春 耕藉 祭社稷
救護 鄉飲酒 鄉約 西祀

卷八

學校

學宮 書院 社學 學田 土番社學

卷九

武備一 營制 營署 恤賞

卷十

武備二 武職

卷十一

武備三 列傳 義民 船政

卷十二

人物 科目 鄉貢 例貢 武進士 武舉
列傳 列女 流寓

卷十三

風俗一 習尚 歲時 氣候 潮信 風信 占驗

卷十四

風俗二 番社風俗一

卷十五

風俗三 番社風俗二

卷十六

風俗四 番語 番曲 番俗通考

卷十七

物產一 五穀 蔬菜 貨幣 金石

卷十八

物產二 草木 鳥獸 蟲魚

卷十九

雜記 樓堞 園亭 寺廟 墳墓 菑祥 雜著
叢談 外島

卷二十

藝文一 奏疏

卷二十一

藝文二 露布 文移 書

卷二十二

藝文三 序 記 祭文

卷二十三

藝文四 賦 駢體 詩一

卷二十四

藝文五 詩二

卷二十五

藝文六 詩三

卷二十六

藝文七 詩四

臺灣府志舊序

福建布政使楊廷輝

地之有志自漢班孟堅始蓋將舉天文地理人事之屬而備具焉猗歟重矣故必有良史之筆為紀事之書庶幾博綜該洽而無憾然余竊疑荒裔之與內地較難而創始之與繁脩又異似未可同日而語也遡我

朝應運鼎興

神聖接武指揮萬國蚤已建旄設旄於禹貢職方之外然未有遐荒窮島如閩之臺灣者臺孤懸海外歷漢唐宋元所未聞傳自明季天啓間方有倭奴荷蘭屯處商販頗聚繼為鄭成功遁踞流亡漸集數十年來不

臺海府志 卷首
過爲羣盜逋逃藪耳今

上二十一年

特命靖海將軍侯施公率師討平之始入版圖置郡邑詢其民陋於雕題黑齒問其俗猶是飲血茹毛旣無廢興沿革之可稽亦安有聲名文物之足紀乎憶余自筮仕蒼梧以來南浮江漢經西伯之化行北守覃懷歷大禹之底績迨乎備員藩臬周流齊魯禮義之邦覽其山川風物其俗厚其民淳每歎古帝王流風之遠而德教入人之深也閩在漢爲無諸封國已遜中土若臺者素爲積水島嶼竊計流寓之外其民若盲之初視寐之初覺雖更數載猶是鴻濛渾沌之區耳

官斯地臨斯民欲爲治道民生計豈不憂乎其難之三十年辛未大中丞卞公惠撫斯邦軫念臺灣要地分臬重任非賢能特達者不可迺越定例會薦臬守高公爲巡使再疏報可公以三十一年春持節蒞蒞茲土時和年豐政行事舉不特惟正之供悉遵賦則而且俊秀之士咸登賢書甫三暮駸駸乎漸近中土行且報最矣出其所撰郡志屬序余讀之見其分野畫疆辨若指掌文事武備燦焉畢具旣詳於政治風俗奢儉緩急之故復究於形勢阨塞封疆壺橐之計而且田賦墳廬龜魚篠簜以及山藪川浸男女畜擾罔有或遺脫非殫精治道刻意民生者未克臻此

數十年後既富且教不幾為海濱之鄒魯耶吾意後
之人頌其過化之神不讓文翁化蜀寧曰荒裔創始
不足與班孟堅並傳哉余不敏竊幸附名簡末故不
辭而為之序

臺廈道 高拱乾

今天下車書大一統矣我

皇上仁德誕敷徒封萬里東西朔南莫不覆被顧臺灣蕞
爾土越在海外游氛餘孽蔚為逋藪粃粃番黎茫然
不知有晦明日月沿海郡邑江浙閩粵傳烽舉燧多
歷年所我

皇上好生如天以普天之下皆吾赤子奚忍獨遺二十一

年

特命靖海將軍施公率師討平郡縣其地設官置鎮星羅
碁布數年以來聲名文物駸駸乎與上國比隆夫有
疆土必有風俗有制度必有沿革海外兵燹之餘人
心甫定耳目未開不為搜羅廢墜纂輯典故使天下
觀者如身履其地而習其俗無以彰

聖天子一德同風之盛廣久道化成之治則亦守土者之
過也余自辛未春出守溫陵越明年謬叨兩臺薦剡
蒙

聖恩特用分巡茲土浮海駐節甚懼其難也目擊一方之
凋殘利何以興弊何以除學校何以振兵政何以肅

軍實何以備勤勤焉日進文武寮案求所以生遂安
集之道又何暇及於誌乘劔臺疆初闢百度草創遺
編故老湮沒無聞卽欲成書而無徵不信又孰從而
誌之於是者二年幸託

朝廷無外之威德兩臺漸被之深猷風雨以時番黎向
化文武和洽庶吏協恭政事之餘益得與父老子弟
諮詢採攬凡山川之險易水土之美惡物產之有無
風氣之同異習俗之淳薄遠自生番殊俗下及閭閻
纖悉每聞見有得輒心識而手編之溯始明季臺所
自有迄歸我

朝臺以肇造綱舉目張巨細必載有功必錄有美必書
公諸衆心以觀厥成斯誌也亦所以志也敢曰余
之私言哉嗣是而稽水道者非以海市蜃樓誌怪
也舟楫必由寓不途不若之經焉考廢興者非以裸
髮文身誌竒也絕域咸孚見莫不尊親之休焉覈人
材問民俗者非以昔渾沌而今雕鑿也盛衰有自凜
履霜臨谷之戒焉其與內地同者官吏兵民一歸於
正其與內地異者剛柔燥濕各遂其天不寧惟是百
爾君子篤棊協恭以綏靖爾百姓爾百姓公好公惡
具有明徵凡吏斯士者思誌不朽毋貽後世譏將使
海外之聲名文物日臻邳隆而重譯接踵羣知生聚
教訓洋洋乎爲窮荒一大奧區則是書也未必不爲

官方之一助焉拱乾世受

國恩自惟才疎德薄今且秩滿奉

旨移補浙臬樂臺之駸駸與上國比隆也而斯誌適成倘
聖天子輶軒下採詢及海隅斯誌遂得入奏以附大一統
之末爲三代以來未有之盛事是亦微臣之志也夫
若乃踵事增華是賴後之君子余不敏也又何敢專
是爲序

重脩臺灣府志舊序

閩

國家重熙累洽久道化成薄海蒼生蒸然共進於一道
同風之治凡截竹扶桑之城占星問月之鄉莫不重
譯梯航喁喁向化蓋自昔王者建中表正其埏紘之
廓至今日而彌綸無外矣臺灣附近閩南儼如屏障
非若不夜之城無雷之國列在墨鯽魚支之貢者也
然自宋元以前不登經傳至明季而後知有荷蘭屯
聚繼爲鄭逆逋逃藪迫康熙癸亥始入版圖改隸郡
邑生聚教訓六十年來如易草昧之乾坤沐浴於化
日光天之下彬彬然成一衣冠文物之邦矣疆域之
沿革戶口之多寡制度之詳畧風俗之澆淳攷其志
乘脩於康熙乙亥迄今四十餘年不獨魯魚亥豕漸
次失傳而時異勢殊日新月盛匪加纂輯又何以信
今而傳後耶獨是脩志之難同於作史自昔爲然矣
史漢而下如廬陵之五代史簡遠澹宕可與涑水相

表裏而劉歆輩猶且譏之況於後之懷鉛握槧者乎
衡陽劉監司分巡茲郡詳請續脩志乘爰飭令其延
請宿儒網羅摭摭縷析條分八閱月而志成贍而不
穢詳而有體本末備舉繁簡得宜犁然有合於三長
之旨他日輶軒所至株及海隅以昭

聖世輿圖之盛抑何幸歟雖然猶有進稽諸禹貢紀山川
貢賦封土而卒歸之於祇台德先不距朕命可見控
馭寰宇者在德不在險而敬者德之本也惟敬則勤
而庶事無叢脞之虞惟敬則和而同寅有協恭之美
以此爲忠信之長慈惠之師則山川安於莫定貢賦
樂於輸將封土維於不拔禹之錫圭告成此物此志
也繼自今官斯土者惕乎有顧畏民巖之意抑乎有
涉冰履尾之思本此夙夜靖共以佐我
國家一道同風之化而孤懸海外者永永爲海濱之鄒
魯也夫

福建巡撫王恕

四川人

庚申之冬余撫閩之三月臺副使劉君以脩郡志告
既明年秋七月書成來請序又五月始爲序之曰古
者郡國計書上於蘭臺蓋卽後世地志之屬也周禮
小史掌邦國之志外史掌四方之志司農謂邦國之
志乃春秋傳所謂鄭志國語所謂鄭書康成謂四方
之志若魯之春秋晉之乘楚之檇杻周官別山川分

圻界條物產辨貢賦六鄉分掌之而統於冢宰太史以六典逆邦國之治蓋志卽史也劉執中曰四方之志謂九州列國四海百蠻世系之所自出封建之所由興朝貢之斷續政教之違從禮樂之興革俗尚之醜好若土均土訓誦訓之所職皆爲志以藏之若是則今之郡縣志古四方爲之濫觴也其事重矣臺僻在海島介於百蠻自入版圖以來

聖化淪浹風移俗易彬彬乎與諸夏埒非星槎瀛涯舊矣漢丞相張禹使屬潁川朱贛條其風俗而宣究之劉君之爲是書也蓋欲吏於臺者宣究其風俗而善爲治意良厚矣雖然治臺之法有七而所以挈要者三興教化足積貯嚴保甲稽汛守東成兵安客戶徠番社此有司所謂法也實心以宣

上德虛衷以和文武多方以求民隱此吾所謂要也非法不足以布政宜非要不足以操治本皆吏於臺者職也其可勿朝夕思乎柳子厚曰凡吏於土者若知其職乎蓋民之役非以役民而已也曾子固曰吏者惟其無久居之心故謂之不可如其有久居之心奚不可耶苟爲吏者以吾前所言者爲法而以後所言者爲戒則鹿耳鯤身卽雉飛虎渡之區天風海潮皆和樂熙皞之音矣是劉君爲志之意也至若體例筆法之嚴敘述記載之雅卓然有合於古人可以上之太

史備圖經之采擇諸公序之詳矣茲不復贅云

閩浙總督喀爾吉善

滿洲人

自古史家撰述稱志為難夫非獨作志之難也所志者尤難作志者視其才而所志者視其地與其世人物與時高下事跡隨代顯晦而撰述之隆污因之故曰難也今天下車書大同各省及府概有志書煥焉可述獨臺灣以一府數縣肇闢於溟濛芴昧之中垂六十餘年而有志書二十五卷吏治民俗文教武畧洞源竟委麟麟炳炳幾與中土埒而恢詭有過焉斯以竒矣余以丁卯春奉

命開府閩中詢省風土適值是志告成得詳覽焉然後歎

是編撰述之雅麗非特後先作者之才也臺地雄視

鉅海貫東西兩洋為數省屏蔽其形勝固已殊絕迨

至

聖人出而四海一紅夷海寇陰先驅除風師河伯効靈於

波濤矢礮之間助師武臣宣力聿登清宴守土之吏

上稟

廟謨撫寧疆理生聚而教誨之迄今如一日故其見於志

者上自

九重神功咸暨旬宣大僚姚滿二公之籌畫施藍諸將之

方畧歷任巡察諸吏之勤勞下逮一時詞人倚馬橫

槩之才靡不爛如至於涵濡羨衍聲教所訖內則衣

冠典文之休嘉亞於上國外則山經海紀之瑰琦軼於徃古此皆

聖作物觀深仁厚澤洽於無垠自邃古以來未有登斯理者故後先諸子得以踵事蒐輯勒為成書昭示來世班孟堅所言遭遇乎斯時者詎不信哉遂因其請序而書諸簡端推原其美非徒以志作者之幸亦以覺悟蒸黎俾知東南赤子賴絕島保障含哺鼓腹無揚波之恐者幸際太平有道之長也若夫撫富庶之樂而思締造之艱緬變理之勞而為綢繆之計此則封疆文武之所圖尤願與來者無忘之也夫

福建巡撫 陳大受 祁陽人

海內郡國以千百計其山川險隘風土人物與夫往古事蹟載於史策稗官野乘為類甚繁作志者薈萃成編其取材也既博其脩飾也易工若乃遐荒外島自昔聲教未通之地如臺灣者溯前則無稽居今則難畧作者於此蓋不勝視止行遲焉我

國家聲靈赫濯海隅日出罔不率俾臺灣自入版圖垂今餘六十年卉服文身之域茹毛飲血之儔咸襲冠帶安耕鑿俗易風移駸駸乎有中土之習

大化涵濡於是為深且厚矣郡之有志自高劉二君始比歲 給諫六公 侍御范公奉

命巡視其地宣布

聖天子德意撫綏民番輯寧海疆政理既已浹和爰取舊志而重脩之勒成若干卷屬序於余余惟東南環海之區元明以前率爲逋逃藪故事多荒畧而其地亦莫可考澎湖之名僅見於隋史臺灣則明季始稱其名然不過爲日本荷蘭停泊互市之地既無歷代廢興沿革是非得失之概可資考鏡亦無文人詞客游歷尋覽之蹟可以感慨流連故述之者恒患不文間有一二紀載又涉於竒誕人往往視若齊諧之志山海之圖用廣異聞而已今觀是書體例嚴密力大思精凡旌別淑慝區畫井疆戒飭武備諸大政靡不條分縷晰而詳著之可謂識其大者矣而山川之夷險水土之美惡番俗之淳頑物產之豐嗇織悉不遺該洽典贍斐然可觀以是上諸蘭臺誠足資

廟堂之採訪且使守土之吏得而習之士俗民風瞭然心目所以承流宣化奉職效官者悉於是乎在則是書豈徒作哉抑余聞之臺地幅員廣遠東番各社禾黍芄芄比戶殷富苦於野番間阻不得列爲王民邇年以來聖澤覃敷野番輸誠歸化者絡繹不絕傀儡諸山兇番終於革面革心則臺地將東漸於海而聲教之所訖必有踵事而增脩之者是有竣於後之君子

福建布政使 高 山 山東人

聖天子統御宇內包含萬有雖遐荒絕島亘古未經向化者無不舉而懷柔之教養之使皆有以漸摩而成善俗其遐荒絕島之衆初猶草昧蚩蚩耳乃自感於聖人之治殆如風行草偃翕然向治遂臻一道同風之盛焉臺灣一域爲海外荒島禹貢之書不載職方之紀無聞始自有明天啓朝爲荷蘭屯處稍與中華通往還後爲鄭成功竄踞恃險負遠猶在四夷也我

朝定鼎

聖祖神武遠播收鄭氏餘孽而版圖之設官置鎮十年生聚十年教養由是臺灣一域已漸非昔日之遐荒絕島矣庚戌歲予奉

命巡察重洋遠渡入其境人民濟濟無雕題卉服之狀蓋浸潤於教化涵濡乎養育者深且至也按其戶口稽其財賦考其山川風俗土物人情閱其城池倉庫壇廟學校番社官莊兵農水利釐然畢備退而準之舊有誌乘則掛漏殊多抑舊志成於法度未備之初不無因陋就簡越數十年自不可同日而語矣意欲卽而脩之值頑民吳福生跳梁捧節之使守埤禦暴宣化撫綏之不暇遑暇脩誌乘哉期滿復

命忽忽數載意甚缺焉甲子春旬宣闔地見從前舊乘已爲劉副使補葺人有同心猗歟休哉秋九月奉

旨赴臺查勘武職官莊踰澎渡海巨浸驚濤山川城郭依然如舊而民風之醇人物之盛闢土之廣利用之厚簿書期會之繁更不可與庚戌之歲同年而語矣愈以徵

聖化之淪浹久而風俗移也劉君所葺誌乘又覺未盡其要會語 巡使給諫六公而六公亦有雅意增損之說迨 侍御范公赴臺與六公參酌考訂諮討釐正逾一年誌成丙寅冬 二公寓書予曰重脩志乘業已刊刻告竣言之不文乞爲一序予不敏何以序爲雖然脩臺誌者予素志也何敢以不敏辭於是披覽周環得其所紀山川則瀛洲島嶼搜羅撫拾之無遺

也田賦則納總納穗供輸經費之畢存也風俗則居處習尚番社語言之悉載也其奇節現行風流俊雅者錄之人物之中水陸戎行班戍優恤之典具於武備之內若夫物產則嘉穀異卉珍禽怪獸之呈呈而詩文辭賦則天章雲漢光怪陸離之炫目他如規制典禮職官學校則又事核而該體嚴而備其中有倫有脊有目有綱踵事增華葺以加矣一畫開而天地闢二氣運而歲功成臺誌脩

聖治彰所繫寧不重歟他日翰軒採問不第知荒島之爲鄒魯並以歎 二公之用心有功於朝廷者不淺乃援筆而爲序

福建糧驛道明福滿洲人

閩地為古無諸之國而閩之臺灣本土番部族琉球之故壤漢唐開疆以來皆以海外置之地入於荷蘭其後鄭成功逐荷蘭竊踞為巢

聖祖仁皇帝念天下一家臣服其黎庶郡縣其土宇數十年

休養生息日就蕃昌土地人民政事之大不可以無志志於前者觀察高公副使劉公相繼纂脩而規制事宜未盡洽備今給事六公侍御范公奉

命巡視茲土乃與副使莊君太守褚君共採舊聞旁搜眾紀為徵引之據於是取新舊二志增之損之有綱有目余觀志之脩也與作史同必彙從前之事合數家

之辭而裁以史才之手然後條理明備本末燦然五堅之於子長劉昫之於韋述半以為取材而加之斷削歐公五代之史原本於薛居正而刪定之是故必有相因之迹相釐之功相因則其事詳相釐則其文核夫作史且然至於脩志亦有不得不然者矣顏師古曰志記也積記其事也夫事日積而多亦日積而廢由後數十年之所積較之於前其踵而增華者有加而於前事或久而放失又或因傳聞之謬更為荒蕪之辭以雜之不得其詳且核焉則其缺莫考其文之不雅馴者尤縉紳先生所難言也今觀臺志之脩自封域規制至於藝文雜記其間典禮之周學校之

設武備之嚴與夫山川之險易戶口之繁衍賦役之殊科生蕃熟蕃之頑馴強弱不同人情風俗土物產貨按志以稽如指諸掌且臺郡孤懸海外爲各省之藩籬是以於防海港口出入水道紆迴言之尤詳必提其要害紀其遠近使人因其形勢以識控制之方其視前志加詳而體要典則尤爲加核是有良史之才而達於政體者也考之周禮職方所掌辨及山藪川浸與男女之數穀畜之宜以周知其利害使同其貫利王制凡居民材必因天地寒暖燥濕廣谷大川之異制民生剛柔輕重疾速之異宜以脩其教而齊其政今是志之脩旣熟悉全臺之風土人物則其政治之宜民條理本末必有卓然可觀者不獨其文之詳核可以方班劉而匹歐陽也謹序之

臺灣道莊年武進人

地理之有志也自禹貢始禹別冀兗青徐揚荆豫梁雍爲九州至殷則有幽營而無青梁至周則無徐梁而有幽并其見於爾雅周禮者近是然皆備列揚州閩揚州城禹貢曰淮海惟揚州爾雅曰江南曰揚州則夏書之所謂東漸於海王制之所謂自東河至於東海卽殷制是臺地實洪荒渺昧芒芴爛熳而在其中更考周禮職方東南曰揚州雖具區三江五湖具載而未及海然已明言七閩臺淡水距閩省水程四

百餘里其間關潼白畝形勢蜿蜒則臺之隸閩斷可
識矣臺始見於隋洎明荷蘭據其地鄭逆角逐之立
郡邑我

朝天威震讐虜南指遂納款面向附疆索焉伏荷

列聖仁綏義撫先之以噢咻拊畜以馴化其歷來獷鷲之習
俾黠者爲於工商樸者安於隴畝秀者澤於詩書彬
雅之中漸躋於聲名文物而易其狃獠味嗜之弁陋
然則臺之初闢固不可以無志而其在荒服無可沿
考則其爲志也較難曩之觀察茲地者嘗留心斯舉
康熙間高公爰劄輯之繼乾隆辛酉劉公省齋復增
補成書可謂明且備矣屆茲化理淪浹又歷年所時

物漸臻風氣益廓 巡方六范二公履念海邦文獻

網羅蒼萃遐搜舊典周訪新知因而按部就班釐爲
綱十二目九十有二繁者汰之缺者補之祛其泛濫
其要而又不徑從簡畧使後人失所依考而又不隨
流附會使旁觀循其模稜意匠心裁洋洋乎蔚爲瀛
島巨觀也且夫鹿耳鯤身臺之門奧南則沙馬猴林
北則雞籠鹿子篁巒插漢與鯨濤拍天角險椎髻文
身與冠裳鳥履交錯天與山海際地與民番混在閩
則爲鎖鑰在江浙甌粵則爲屏藩雖僻介邊徼其帶
礪攸關實視中區爲險要吁是志也其徒侈詞華之
莊雅體製之醇備考核之精詳乎蓋其用意宏深矣

嘗試按而考之舉凡

廟謨之淵邃奏疏之剴切文武以安之籌策水陸防捍之
隘衝以及興文講武通商輯番之周畫無不擣摺參
覈規之詳而慮之遠今夫風雷草昧君子以經綸臺
之啓疆雖已距六十餘載誠有如文翁化蜀昌黎治
潮暨武侯之定程蠻伏波之撫交趾迄今猶衣其德
弗衰服其教而畏其神弗輟別茲土也潮惠漳泉之
叢處而誘以土物心臧生熟番之哇哇于于而潛率
之就甄陶而樂化育游惰向業四民交勵五士迭興
萑蒲弭訟獄息刑措兵偃職官人物炳炳烺烺而風
俗齊美斯山川草木鳥獸蟲魚皆繪文明熙皞之象
矣則是志之所以道揚邇治襄贊鴻謨繫苞桑而固
磐石者其有幽風無逸之思乎夫豈等山經水注侈
乘槎之瑰奇資操觚之博瞻已哉余猥廁鉛槧之末
愧無能爲役爰書諸節端而特闡之

原志姓氏

纂輯

福建分巡臺廈道兼理學政高拱乾

校訂

臺灣府知府靳治揚

臺灣府同知齊體物

臺灣縣知縣李中素

鳳山縣知縣朱繡

諸羅縣知縣董之弼

臺灣府儒學教授張士吳

臺灣縣儒學教授諭林宸書

鳳山縣儒學教諭黃式度
諸羅縣儒學教諭謝汝霖

分訂

舉人王璋

貢生王翺

貢生陳逸

貢生黃巍

貢生馬廷對

貢生王喜

監生馮士號

生員張銓

員陳文達

員鄭夢達

員金繼美

員張紹茂

員柯廷樹

員張僊客

員盧賢

督梓

典史嚴時泰

舊志姓氏

總裁

總督閩浙部院鎮國將軍宗室德溥

署閩浙總督部院鎮國將軍策楞

巡撫福建都察院王恕

巡視臺灣監察御史舒輅

巡視臺灣監察御史書山

巡視臺灣提督學政監察御史楊二酉

巡視臺灣提督學政監察御史張淵

協裁

福建布政使司喬學尹

福建布政使司張嗣昌
福建按察使司王丕烈

纂輯

分巡臺灣道按察使司副使劉良璧

臺灣府知府錢洙

臺灣府知府范昌治

協輯

臺灣府海防同知郝霏

臺灣府淡水同知戴大冕

署澎湖通判胡格

臺灣縣知縣楊允璽

鳳山縣知縣程芳

諸羅縣知縣何衡

彰化縣知縣費應璋

同輯

臺灣府學教授薛上中

臺灣縣學教授徐宏祚

鳳山縣學教授周元

諸羅縣學教授陳振甲

彰化縣學教授諭鄒熊

分輯

舉人陳邦傑

舉

人陳輝

恩

貢張從政

拔

貢黃佺

歲

貢范學洙

校對

臺

灣

府學訓

導楊友竹

臺

灣

府

經

歷朱士顯

監刻

貢

生施士安

生

員翁昌齡

重脩姓氏

纂輯

巡視臺灣戶科給事中六十七

字履寧湖州人

巡視臺灣兼提督學政監察御史范

咸字九淵浙江仁和人癸卯進士

纂輯

分巡臺灣道按察使司副使莊

年字權亭江南長洲人保舉

臺

灣

府

知

府

褚

字總百江寧安縣人癸丑進士

參閱

諸

羅

學

訓

導

陳

字履平福建國縣人慶貢

校輯

臺

灣

府

漢

水

同

知

會

日瑛字芝田江南南昌人編監

重脩姓氏

重脩姓氏

澎湖

湖

通

判汪天來

字澤廣江南蘇州人監生

臺灣

縣

知

縣李國權

字壽安山西安邑人監生

鳳山

縣

知

縣呂鍾瑄

字彙九廣東饒平人舉人

署鳳山

縣

知

縣丞趙載臨

字淵石浙江蕭山人監生

諸羅

縣

知

縣周緝敬

字作侯廣東新會人舉人

彰化

縣

知

縣陸廣霖

字履實江澤武進人己未進士

益刻

原任臺灣

府

海防

同

知方邦基

字榮只浙江仁和人庚戌進士

臺灣

府

海防

同

知梁須楨

字大本正白旗漢軍人

署臺灣

府

海防

同

知張若霖

字適堂江蘇州城人保舉

校對

續脩姓氏

總裁

分巡臺灣

道

兼提督學

政

覺羅四明

字景之滿洲正藍旗內閣中書

主脩

臺灣

府

知

府余文儀

字寶阿浙江諸暨人丁巳進士

協輯

臺灣

府

淡水

同

知于從濂

字靜專江西星子人戊辰進士

臺灣

府

淡水

同

知夏瑚

字浙江仁和人監生

參輯

舉人

揀選

知

縣黃侑

字樂序福建侯官人

校對

生

員張源義

字世文
濬縣人

藍 濬 府 學 教 訓
藍 濬 縣 學 訓

授吳應造

字約大
濬人
成進士

導伍兆崧

字符年
濬人
優貢

凡例

一郡志初作於康熙三十三年觀察高君拱乾成之其後副使劉君良璧重修於乾隆六年高志草創多失之畧至劉志則加詳矣然劉志二十卷星野建置山川外更有疆域而風產卽附風俗下似爲不倫高志十卷以封域規制等爲十綱各附以目序列有體今合新舊二志增損之爲綱十二爲目九十有二庶幾有條而不紊爾

一劉志大半摭拾通志如通志首列典謨蓋以全省所奉

諭旨高文典册自宜弁冕簡牘若詳邑志自不必復載舊

志將

御製

至聖贊及表章朱子

上諭周易折衷等序並行纂述此豈專爲臺地而設耶且四亞聖贊後卽繼以

賜靖海將軍施琅碑文尤爲失次故茲志不敢仍襲其舊

其有因臺郡事宜

特頒諭旨者謹分載各條內俾奉行者有所遵守勿失焉

一臺灣入版圖後生聚教訓雖歷六十餘年然猶去荒

昧未遠本地苦無文獻可徵所見所聞不無異辭卽

以星野言之舊志謂屬牛女之分諸羅志謂屬翼九

度而鳳山志辨其非必並列之以見統綱專主牛女

之意是志於各條下俱列附考似於作志體例別創

一竒亦以海外初闢之地不得不互存以資參覈云

爾

一前志於臺灣一邑祇載寥寥數山其羅漢門內外概

不之及迨乙丑冬巡歷至其地見山谷盤互極險仄

幽峻問之土人則云朱逆作亂時初皆盤踞於此及

閱使槎錄載羅漢門山甚詳且云峻嶺深谷叢奸最

易此守土者所不可不知也因採其語入形勝附考

中而詳識其山之遠近道里補入山川志焉

一鹿耳門爲全臺門戶防緝奸宄則臺防同知之責爲

獨重前志不載海防事宜今特爲增入凡海港出入之要口及船隻之大小併一切見行則例俱必條列亦以見防海宜詳也

一臺灣田賦自歸化後累蒙

列聖減則蠲除優恤備至惟雜稅有沿鄭氏舊名者故徵餉水陸異科與內地迥別其牛磨蔗車以及港灣潭塹繪縵罟罾縲蠓之屬非詳注則觀者無由知今特采諸書中言之雅馴者列之附考至養廉一項尤

聖朝體恤臣下之仁亦宜備載以志異數

一臺郡分野揚州習俗尚鬼與荆楚同今典禮中祠廟一遵祀典所頒淫祠並黜其寺觀則別載雜記

一閩省鄉試臺郡分額取中所以培養海外人才者備極隆至餘若粵人之附居者亦增入學名額尤爲特典前志未錄故於學校中詳列其始末焉

一海外武備特重凡分班遣戍之期道里舟車之費

歷聖加恩優恤至爲詳備而制田產以備吉凶賞恤延及百世尤我

世宗憲皇帝格外殊恩也舊志未載茲特補入並增列義民議叙一條以見

聖朝報功之典雖小善必錄焉

一番社不下數百種生熟番馴頑不一南北番亦強弱各殊然熟番與士庶雜處輸賦供役則亦民也卽生

番歸化亦各輸鹿皮餉今考其服食居處性習風尚各番畧有不同因本黃玉圃先生番俗六考加以咨詢所及於風俗中分類詳記而其方言俚曲亦載其大畧焉

一臺之物產自百穀以至草木蟲魚類多中土所不常有在土人既以臆名之而士大夫考据又苦未得其真故附考中徵引諸書有一物數見者蓋欲後人所拆衷故採擇不厭其詳至舊志所載如薤則云有赤白二種蒜則云有大小種桃則云花紅實可食梅則云味酸松則云松栢爲百木長梅則云百花魁黃鶯則云一名黃鸝一名倉庚螢則云腐草化生蜻蜒

則云六足四翼翅薄等類凡皆內地習見之物不煩細注今悉刪去以免載籍繁夥

一舊祥附考中頗載僞鄭逸事以其始則驅逐荷蘭繼則納土歸降蓋爲我

朝先歐者故附錄其興亡之跡以爲臺地之緣起非敢倣十國春秋之例也

一臺郡初闢中士大夫至止者類各有著述以紀異然多散在四方島嶼固鮮藏書之府也范侍御奉

命巡方自京師攜黃玉圃先生使槎錄以行至武林又得孫湘南先生赤嵌集抵臺商榷脩志於是臺灣志畧靖海紀東征紀臺灣紀畧臺灣雜記稗海紀遊諸集

按籍搜索僉得全書惟沈文開集向時寓臺諸公所
艷稱而未得見者亦輾轉覓諸其後人凡得詩文雜
作鈔本九卷半皆蠹爛但字迹猶可辨識既不忍沒
前人之苦心故所徵引較前志尤多但志中所引僅
註書名因特於雜記中另列雜著一條備載作者姓
氏方知爲某人之書亦僉以存海外之文章令後來
有據耳


一藝文內舊志將鄭氏歸降表採入尤爲不倫若前明
寧靖王術桂係監國魯王所封傳中屢以王稱之亦
非體矣又奏疏首尾體例全載此爲冊檔之式非是
紀乘之文况題目已經列明更爲屋上架屋凡以上
概爲刪改至蕩平鄭氏施靖海之功爲烈其後辛丑
恢復則藍總戎之功不讓於施今二家紀載之書一
則有靖海紀一則有東征記雖不必皆成於已手然
其功足傳則其文亦多可錄志中祇遴其半已各得
一卷他如沈文開不忘羈旅之思孫湘南獨擅叢笑
之什是以採擇尤多蓋是志於藝文之去取尤嚴也
餘若詠物詠景之作則彙錄入本條下以見寫生屬
情之妙其不關此者則統載藝文詩中云

灣	福
全	運
圖	臺

臺灣府志

卷首

臺灣縣圖



臺灣縣志

卷之六

臺灣縣志

卷之六

淡水廳圖





臺灣府志

卷首

六


澎湖廳圖



臺灣廳治


八景圖

安平晚渡






沙鯤漁火




鹿耳春潮



雞籠積雪





東溟曉日

東溟曉日


卷之四

五


東溟曉日

卷之四


五



西嶼落霞




澄臺觀海





斐亭聽濤



續脩臺灣府志卷之一

欽命巡視臺灣朝議大夫戶科給事中紀錄三次六十七同脩

欽命巡視臺灣朝議大夫雲南道監察御史加級紀錄三次范 成

分巡臺灣道兼提督學政 羅四明 續脩

臺 灣 府 知 府 余文儀

封域 星野 建置 山川 形勝

海外蒼茫島嶼自昔未有建郡縣者隋開皇中畧澎湖至元末置巡司而北港臺灣前明始見於簡編初為通藪繼作倭巢自偽鄭拾荷蘭之遺城市室廬頗近中土迨入

區胡版圖聲教遐訖經營而締造之歷七十年天獻其

祥地不愛寶千峰作鎮百川匯流巍然有東南之保障所謂

聖人懷柔及河喬嶽者寧以海外異哉志封域

星野

臺灣禹貢揚州之域天文牛女分野星紀之次

附考

福建天文牛女分野按牛女於辰為丑銀海之屬星紀之次銀海元武象也星紀吳越分也說者謂臺在泉州之窮南去省會遠矣不宜為銀海之屬又在漳州之極東去吳越更遠矣不宜為星紀之次雖曰天覆罔極而至窮南極東星土不無少異遂有以臺郡分野當在女

虛之交者虛元枵之次在子之辰以臺之稍遙而東遽疑其越次越辰何異坐井之見即以近事考之明時澎湖統於泉泉分野非從省會為牛女乎則臺依泉為牛女分自可無疑矣更以近地考之臺海西界於漳南鄰於粵而北則閩安對峙漳分野視閩而粵分野視漳焉有臺之錯壤相接獨不屬之牛女乎唐一行有云星紀當雲漢下流百川歸焉故其分野自南河下窮南紀之曲東南負海為星紀則臺郡宅東南分野仍屬牛女又與一行之說相符馬士附傳閩分野史記天官書前漢天文志皆云屬牽牛婺女之分明一統志謂屬牛女之分劉向蔡邕皇甫謐謂屬牛

臺灣府志 卷之一
女斗三星之分魏陳卓云會稽入牛一度閩距會稽實
在周天度數一千四百六里之內謂九閩咸隸會稽牛
一度或云閩越在南而星紀在北於相配之義未協或
云晉史墨以得歲卜越星紀在北而指於南或閩越亦
從其所指而言天文志云東南負海爲星紀負海者以
其雲漢之陰也通志云疏星野者大都指禹貢維揚而
以星紀之次屬之爲會稽域內則閩在東南距揚州三
千里已在分度一千四百六里之外况臺則東南負海
距厦一十二更水程何止一千餘里哉集諸書之說而
拆衷其意可耳

舊志

臺灣海島之地其感不在九州之限按古四譯館因外

彝來貢以外彝分方紀星臺灣原屬島彝其次爲鶉尾
其宿爲翼其辰爲巳宋天文志云鶉尾在翼軫之交居
南方七宿之末隨南極而半入海呂宋淡水臺灣是也
利瑪竇云鶉尾之次於律仲呂岡山分野臺有大爾雅
小岡山云鶉尾軫翼也郭璞注云軫翼南方之傾地勢之下翼
巳之間火星所屬故謂之鶉尾至其分度又往往不同
唐開禧起翼二十度宋元會元起翼二十度杪明授時
書又起翼二十度

本朝欽天監所定時憲書則止十七度整呂宋居於巽
巳入翼十度日本在寅艮入軫八度臺灣背接呂宋右
連日本其值翼九度無疑俗以附漳泉分野不知漳泉

係丑地牛女之分與已位無涉故占驗之家概以臺灣同島彝一體測驗而以里差詳之臺灣為翼九度諸羅在臺北角木遠照斜插隱見屬翼八度七分之三鳳山在臺南亦同屬翼九度杪牛女星紀約畧之見不可從也

諸羅志

劉向日吳越屬斗牛女分晉隋元志吳越其辰在丑伊古以來未有非之者而說者曰呂宋居巽巳入翼十度日本在寅艮入軫八度臺灣背接呂宋右連日本其值翼九度無疑夫臺之去呂宋也水道七十更有奇其去日本也水道亦七十更有奇二島不在九州之內荒遠難稽星野實不足據若由臺開棹中流至澎四更焉止

矣由澎至厦七更焉止矣澎舊隸同安星野其能別異乎澎不能別異而謂臺星野其能別異乎且自省會達雞籠水道亦祇七更浮嶼如關童白畝以及旗干石等處似蛛絲馬跡脈絡昭然可尋是鳳山星野當依郡乘從閩省牛女確乎其不可易也倘謂鳳山星野入翼九度諸羅星野入翼八度則同郡之地至差一度而呂宋水道去臺六七千里而遙者反謂其入翼十度舍耳目之近而持渺茫無據之論未敢以為信也

鳳山志

建置

臺灣府在東南大海中

北路淡水直對福州省城南路赤山直對南灣離福建福

州府一千二百里

陸行自閩縣至泉州同安縣五百四里水行自厦門至澎湖水程七更

臺灣府志

卷之一

建置

四

澎湖至鹿耳門水程四更舊志以六十里為一更計六百六十里按明史自雞籠淡水至福州港口五更可

達古荒服地隋開皇中遣虎賁陳稜畧澎湖三十六島

元末置巡司明洪武五年徙其居民置漳泉間嘉靖四

十二年流寇林道乾掠近海地都督俞大猷征之追至

澎湖道乾遁入臺大猷不敢進留偏師駐澎道乾旋遁

占據澎之偏師亦罷設巡檢以守澎湖萬歷間海寇顏

思齊據有臺灣鄭芝龍附之尋棄去荷蘭取其地因築

赤嵌城以居即今安平鎮城本朝順治初鄭芝龍子成功叛據

廈門十六年由海道犯江寧敗歸逐荷蘭據之設郡縣

成功死傳于經康熙二十一年總督姚啓聖謀取臺灣經死傳于克塽

二十二年靖海將軍施琅攻澎湖克之鄭克塽降二十

三年廷議設府一曰臺灣隸福建布政使司領縣三曰

臺灣鳳山諸羅康熙六十一年朱一貴作亂踞府治總督滿保會提督施世驍南海總兵藍廷

珍以七日勦滅雍正元年增設縣一曰彰化益增設淡水廳五

年增設澎湖廳今領四縣二廳

臺灣縣 鳳山縣 諸羅縣 彰化縣

淡水廳 澎湖廳

附考

文獻通考云琉球國在泉州之東有島曰澎湖烟火相

望水行五日而至旁有毘舍耶一作那國語言不通袒裸

盱睢殆非人類喜鐵器臨敵用鏢鏢以繩十餘丈為操

縱蓋愛其鐵不忍棄按澎湖東南即今臺灣其情狀相

似殆卽毘舍耶國也

臺海使
棹錄

臺灣於古無考惟明季莆田周嬰著遠遊編載東番記
一篇稱臺灣為臺員蓋南音也然以為古探國疑非是

臺灣
隨筆

臺灣海中番島昔人所謂乾坤東港華嚴婆娑洋世
界名為雞籠考其源則琉球之餘種自哈喇分支近通
日本遠接呂宋控南灣阻銅山以澎湖為外援明萬歷
間海寇顏思齊踞有其地始稱臺灣思齊剽掠海上倚
為巢窟臺灣有中國民自思齊始啓洲
文稿
門給事中何楷疏臺灣在澎湖島外水路距淳泉約兩
日夜其地廣衍高腴可比一大縣中國版圖所不載初

窮民至其處不過規漁獵之利已耳其後見內地兵威

不及往往聚而為盜近則紅夷築城其中與奸民私相

互市屹然成大聚落矣

春明夢
餘錄

臺灣古未隸中國版圖明宣德間太監王三保通志作
鄭和

舟下西洋因風泊此嘉靖四十二年林道乾寇亂邊海

都督俞大猷逐道乾入臺偵知港道紆迴不敢進留偏

師駐澎湖時哨鹿耳門外道乾以臺非久居所遂恣殺土

番取膏血造舟從安平鎮二鯤身隙間遁去古城占城
屬廣

南今尚有道乾遺種道乾既遁澎之駐師亦罷因設巡檢守之尋

裁天啓元年滬人顏思齊為東洋國甲螺東洋卽今日
本甲螺卽頭

目之類引倭屯於臺鄭芝龍附之尋棄去久之荷蘭紅毛

舟遭颶風飄此愛其地借居於土番不可乃給之日得一牛皮地足矣多金不惜遂許之紅毛剪牛皮如縷周圍圍匝已數十丈因築臺灣城居之今安平城已復築赤嵌樓與相望設市於城外而漳泉之商賈集焉

國朝順治七年庚寅甲螺郭懷一謀逐紅毛事覺被戮辛丑鄭芝龍子成功自江南敗歸其勢日蹙孤軍廈門適甲螺何斌負債逃廈誘成功取臺地舟至鹿耳門乘大霧駢進荷蘭歸一王以死拒戰成功告之曰此地先人故物今珍寶聽而載歸地仍還我荷蘭知不敵乃遁去成功遂入據之改臺灣爲安平鎮赤嵌爲承天府總名東都設縣二曰天興曰萬年成功死子經改東都爲

東寧二縣爲二州設安撫司三南北路澎湖各一康熙二十一年福建總督姚啓聖用間謀陰散其黨約偽賓客司傅爲霖爲內應垂成事洩爲霖遇害二十二年水師提督施琅統舟師進征六月由銅山直抵澎湖八罩澳取虎井桶盤嶼戒軍士毋得妄殺軍士苦水鹹島岸突湧甘泉遂無渴患一戰而澎湖平克塽震懾遂籍府庫納地歸誠舊志

隋開皇中常遣虎賁陳稜畧澎湖地其與屹立巨浸中環島三十有六如排衙居民以苦茅爲廬舍推年大者爲長以畋漁爲業地宜牧牛羊散食山谷間各鼂耳爲

記海防考

洪武五年湯信國經畧海上以澎湖島民叛服難信議徙近郭二十一年盡徙與民廢巡司而墟其地繼而不逞者潛聚其中倭奴往來停泊取水亦必經此嘉隆以後海寇曾一本等屢嘯聚為寇赤嵌筆談

澎湖一名彭蠡湖樵書二編

明嘉靖四十二年都督俞大猷留偏師駐防澎湖尋罷仍設巡檢司後俞裁至萬歷二十年後增設澎湖遊兵三十五年設衝鋒遊兵以備倭天啓二年紅毛據澎湖四年巡撫南居益遣總兵俞咨皋擒其渠帥獻俘於朝按萬歷末紅毛據臺灣築城至是復築城於澎湖皆求互市也○漳州府志

山川

臺灣府

臺郡負山面海、臺山自福建省五虎門蜿蜒渡海東至大洋中二山曰關潼曰白訣是臺灣諸山之龍起處使槎錄云

此為郡治祖山隱伏波濤穿海渡洋至臺之雞籠山始結一腦磅礪繚繞千餘里或山谷或平地諸山屹峙不可紀極

大約臺山背東溟面西海而郡邑居其中 木岡山為郡之少祖臺地祖山自福州渡海從北而來而郡治又近南故以木岡山為少祖 在府治

東北長一百三十餘里巍巖特聳其頂每有雲霧天氣清則見山南三十餘里為臺灣縣治 自木岡山南至

沙馬磯頭山在府治西南四百六十里其西盡大海其東北為鳳山縣治 自木岡山北至玉案山其西北三

十里為諸羅縣治 自玉案山北至大武郡山其西北
四十里為彰化縣治 自大武郡山北至雞籠鼻頭山
在府治東北六百三十里其北盡大海其西南三百五
十里為淡水廳治 大海環繞臺郡為閩省外障其山
皆向內地北路之後龍港與興化南日對峙後龍而上
有竹塹與海壇對峙竹塹而上有南嵌社與福州閩安
鎮關潼對峙自南嵌至上淡水與北茭相望淡水至雞
籠城與沙埕烽火門相望南路鳳山縣之彌陀港萬丹
港岐後港東港茄藤港則與漳州之古螺銅山懸鐘等
處相望順風時駕駛針路皆以卯酉為方向不用斜轉
惟鹿耳門居府治之西北澎湖又居鹿耳門之西北與

泉州府同安縣之廈門東南斜對針路以巽乾為方向

澎湖憑山環海有五十與巨細相間坡隴相望迴環五十

五澳

澎湖諸島皆平岡無峰巒舟行稍遠輒伏而不見漸近時

登鷓首高處憑眺恍惚天際微雲一抹

臺灣縣 木岡山 在縣治東北三十三里蒼翠 卓猴山

在縣治東 番子湖 在縣治東北五十三里拔 柳林

山 在縣治東北五十五里 大島山 在縣治東北 東方木山

屬南子仙山 在縣治東 日蓮山 在縣治東 東方木山

在縣治東六十五里 鳳山 在縣治東六十五里 鏡山

在縣治東六十里 鹿耳門山 在縣治東六十里 鹿耳門

狗溪大目降溪卓雅溪合新港溪在縣治北十五里
 洋子港之水並匯於此
 目降西過廣儲西里又西至武定里洲尾匯新德慶
 港西入海臺諸分界處溪南屬臺灣溪北屬諸羅
 溪俗呼坑仔底福安坑在縣治南源大橋港在縣治
 源出小東門出小南門
 橋港在縣治北一十里加老灣港在縣治西北一十五
 一條灣曲不堪泊巨隙子港在縣治西北水程三十五
 舟其西南為大洋安平鎮港在縣治西門外之北風時
 可泊巨舟百餘艘南風不可泊外為大洋安平鎮港
 風北至洲子尾受新港溪流至海喜樹港在縣治西
 口受岡山溪流港內寬衍可泊千艘深坑子源石頭溝
 二贊行深溝在縣治東四十里俗名深坑子源石頭溝
 溪下流北三里許俗名石頭坑無水源受鯽魚潭在縣
 在縣治北三里許俗名石頭坑無水源受鯽魚潭在縣
 眾流經海會寺過大橋山柴頭港入海鯽魚潭在縣
 北一里大井開闢以來生聚日繁商賈日盛填海為宅市
 肆紛錯舊志云開鑿莫知年代相傳明宣德間太監王
 三保到臺曾於此井取水又傳係紅毛所濬紅毛築赤

敬城恐有火患烏鬼井在鎮北坊紅毛所鑿水源甚盛
 鑿此井以制之
 水以供日用

鳳山縣 鳳山 在縣治南三十里橫列邑治東南形若飛
 錯落如鳳卵曰鳳彈山又邑治之棋對案山也小滾水
 崙形如鳳鼻曰鳳鼻山又邑治之棋對案山也小滾水
 山在縣治南三十五里與大瑯嶼山在縣治南二百四
 左山高而險朝華離山在縣治南二里綽翠山在縣治南
 下有生菴
 里小琉球山在縣治南一百七十里海中突起一峯蒼鬱
 椰子下多巉巖巨石船卑南覓山在縣治南二百二十
 灣泊甚難為鳳山水口卑南覓山在縣治南二百二十
 沙馬磯頭山在縣治南三百七十里龍崙磅礪直抵老
 佛山在縣治南三百八十里與網翠山觀音山在縣治
 五里起伏盤曲中一峯屹立若菩大龜文山在縣治東
 坐衆小峯拱峙於側故名

南二百里七十里芋匏山在縣治東南七十里
立於傀儡山後與朝華離至此山皆背
南三霄馬干山在縣治東南赤山在縣治東十里
百里有火出其上又有自鳳凰而聯於
東北者亦名曰赤山以土色赤故名
里聳出重霄常帶雲霧上為野番所居人跡罕到內崇
地舟至澎湖即見此山南為蜈蚣嶺過嶺為山後矣崇
爻山在傀儡山後不彌濃山在縣治東七十里
里傀儡山也大滾水山在縣治東七十里
音山之北七峯尖山在縣治東北三十五里
上石圓密如星峯秀削勢若玉筍故名
南近附邑治形如列屏故名龜山在縣治北三十五里
陰密小岡山在縣治北大岡山小岡山相聯不甚高大
冠為紗帽石內也

灣猴洞諸山諸羅南
馬仙山相接處也
有小竅出水若霖打鼓山在縣治西南七里俗呼為打
雨泥淖其深無底
又名蛇山在邑治右隔海參差遠近浮沉而列於打鼓
山左右者西有石佛石佛之北有石塔石佛之南有涼
傘礁舟人經此旗後山在縣治西蘭坡嶺在縣北蜈蚣
必鳴金焚紙錢
嶺在縣治南石塔嶺在縣治西石佛嶺在縣治西涼傘嶺在
治西十五里中巴六溪在縣治東南五里源發於淡
嶺皆屹立海中
水溪在縣治東南三十里源發於巴六溪來過大澤機社
迴數十里與赤山之濁水溪在縣治東北三十里源出
冷水溝合流入海
流亦濁南合小岡山之水受大澤機西溪在縣治東北
鯽魚潭流會彌陀港入海
從大澤機西南山出北過搭樓社東與北溪合轉大澤
而西北流入阿猴溪西為淡水溪會於東港入海
機北溪在縣治東北四十五里源從大澤機內山北出
羅漢門社南西北流至搭樓社東轉而西北與阿

山
川
上

猴溪合西為淡水岡山溪在縣治北三十五里源出大
 溪會於東港入海岡山溪在縣治北西流過嘉祥里依仁
 里為二贊行溪經長治力力溪在縣治西六十里其源
 里合壽樹港入於海
 海放線溪在縣治西七十里源出於東南大山經放線
 入海
 東港在縣治東中港在縣治東南五十里湖過赤山北
 海關帝港在縣治東轉而東過上淡水南受下淡水雜
 流入關帝港五十里東茄藤港在縣治東五十里向係
 三年經里民脩濬自府港直達縣治之彌陀港民甚便
 之嗣為港邊礙相美二墟奸民藉端抽稅互相爭控
 因而禁塞取運悉由外洋多有不測乾隆二十四年知
 府覺羅四明檄委臺灣知縣夏瑚鳳山知縣秦其燭會
 勘捐奉疏濬仍通舟楫並飭二縣鼈興港在縣治東
 每歲秋季挑挖一次以免壅塞
 港在縣治西彌陀港在縣治西北二十里萬丹港在縣治
 其北為竹仔港打鼓港在縣治西南七里港口有巨石
 再北為蟻港
 前鎮港又入為鳳山冷水港在縣治東南四十五里俗
 港北入為硫磺港
 湯泉有二一在大滾水山山不甚高其山水流如湯亦無
 故名相去龍目井在阿猴林內竹仔寮為小竹橋觀音
 十餘里飲其水即愈
 名相傳沉痾者
 飲其水即愈

諸羅山 大武壠山 在縣治後東南人消離山在縣治東
 里 鹿馭山 在縣治東 虎頭山 在縣治東南 內加拔山 在
 治東南 琅包山 在縣治東 烏山 在縣治東南 東西烟山
 一在縣治東 番米基山 在縣治東南 大石門山 在縣
 南一百里 治東南 亦邑治左 脊山 在縣治東南 大石門山 在縣
 北亦邑治左 脊山 在縣治東南 大石門山 在縣
 南三十里 小石門山 在縣治東南 大武壠山 在縣
 十里 在縣治東南 二十里 嵌頭山 在縣治東 皂羅袍山
 在縣治東南 泉湧火出水 中 嵌頭山 在縣治東 皂羅袍山
 多石石隙泉湧火出水 中 嵌頭山 在縣治東 皂羅袍山
 在縣治東南 泉湧火出水 中 嵌頭山 在縣治東 皂羅袍山
 八十里 人跡罕到 筆架山 在縣治東 翁仔上天山 在縣

南八十里山極峻險登春
 捷步如老翁扶筇天際
 山在縣治東赤山在縣
 在縣治東六十里赤山
 六十里在縣治東六十
 俱為外邑治阿里山在
 右肩為輔大武營山在
 治左為邑大武營山在
 步練山在縣治東八十
 封如紗籠香篆冬日晴
 則雲霧復合矣見時非
 北十里一名覆鼎金山
 大日根山一名覆鼎金
 在縣治東北七十里與
 山相接自東北旋北為
 坑山在縣治東四十里
 十牛朝山在縣治西北
 里在縣治西北十里為
 邑治作護沙其下復有

邑治半月嶺在縣治東南
 鎮鑰半月嶺在縣治東南
 里北門嶼在縣治西南
 聚與七青鯤身在縣治
 觀身同青鯤身在縣治
 海大八掌溪在縣治南
 在縣治南四十里源發
 嶺內山由內連橋口入
 溪北入海灣裏溪在縣
 鼓港入海灣裏溪在縣
 石仔瀨過赤山新港溪
 出歐汪溪入海新港溪
 界溪北為加拔溪在縣
 諸羅界加拔溪在縣治
 三疊溪在縣治北二十
 在縣治北二十五里發
 歷他里霧莊至雙溪山
 里源出阿里山過竹寮
 阿拔泉渡西台虎尾承
 山川

連內山過水沙連武合蘇丹社之濁流西遊黃地崙布
巖出白沙墩之北至臺仔控人海溪南屬諸羅界溪北
屬彰化界水濁而迅死沙滾滾人馬牛車渡此疾行稍
緩則有沒腹埋輪之患夏秋水漲有竟月不能渡者
牛朝溪在縣治西五里猴源大武壠山歷人福興山九
重溪在縣治西十八里重溪在縣治西南有橋歐汪溪在縣
十鐵線橋港在縣治南五十里洋子港在縣治南源出
為洋子港新港之北東入為灣港竿寮港直加弄港入
西港于含西港含西之支分為卓加港西南入於海茅
港尾港在縣治南六十土地公港在縣治西北笨港在縣
三十里由三冬港有縣治西里猴樹港在縣治西南三十
南出青峯鹽水港在縣治西南四十井水港在縣治西
關入海鹽水港在縣治西南六十里西面臨海從青
鹽水港分支蚊港在縣治西南六十里東旋青峯關為蚊
於北為是港蚊港在縣治西南六十里分三支北為鐵線橋港
港倒風港在縣治西南六十里為茅港尾港西南為麻豆港麻豆南曰灣

子港在縣治西南六十里由猴樹港東入灣港在縣治西南七十五里宜洲弄
在縣治西南八十五里西港在縣治西南八十五里竿寮港在縣治西南八十五里
含西港在縣治西南八十五里卓加港在縣治西南八十五里
馬沙溝在縣治西南八十五里溫泉在玉山山下有土番至者云
蒸騰如沸紅毛井在縣署左鑿自荷蘭因名方廣六尺
凡數處深二丈許泉甘冽于他井相傳居民
汲飲是井則不犯瘧癘今更
名蘭井為邑治八景之一

彰化縣 大武郡山在縣治東南四十里由牛相觸分
木柵山在縣治東牛相觸山在縣治東南六十餘里結縣治內
牛奮角相觸中隔一溪溪南為諸羅阿拔泉山在縣治
斗六門界溪北為彰化大武郡山界阿拔泉山在縣治
十五里山麓之水發源阿里山西北經
竹脚寮山西轉即為諸羅之阿拔泉渡
南四燕霧山在縣治東白沙墩山在縣治東南七里
十里

臺灣府志
卷之一
山川
左

燕霧山在縣治東南十五里
白沙墩山在縣治東南七里
南投山在縣治東南七里

燕霧山在縣治東南十五里
白沙墩山在縣治東南七里
南投山在縣治東南七里

燕霧山在縣治東南十五里
白沙墩山在縣治東南七里
南投山在縣治東南七里

燕霧山在縣治東南十五里
白沙墩山在縣治東南七里
南投山在縣治東南七里

燕霧山在縣治東南十五里
白沙墩山在縣治東南七里
南投山在縣治東南七里

燕霧山在縣治東南十五里
白沙墩山在縣治東南七里
南投山在縣治東南七里

燕霧山在縣治東南十五里
白沙墩山在縣治東南七里
南投山在縣治東南七里

治東四十里 **北投山** 在縣治東五十里 **萬丹山** 在縣治東五十里 **竹脚寮山**

在縣治東七十里內 **菱荖山** 在縣治東四十五里方言有埔漢人耕種其中

大吼山 在縣治東四十五里 **虎仔坑山** 在縣治東五十里

觸口 在縣治東南六十五里 **內觸口山** 在縣治東南六十五里 **水沙連山** 在縣治東九十里內有

牛穩格山 豬母勝山 四番社 隔湖負山而居 路極峻險 內南港有映山木扣

山卓咯山 丹山頭圍山 二圍山 木武郡山 北港有菴裏

眉山 致霧 **樸仔籬山** 在縣治東九十里 **寮望山** 在縣治東三里

廣漠平沙 孤峯秀出其下 **貓羅山** 在縣治東二十五里

為半線營壘 北為貓羅社 **貓羅山** 與諸羅玉寮山南北

斜 **火燄山** 在縣治東七十里 夾 **阿史山** 在縣治東北四十五里

照 **登臺山** 在縣治東北四十五里 **大穀埔山** 在縣治東北七十里 **黃竹坑山**

在縣治東北五十里 **貓霧棟山** 在縣治東北三十里 有 **大肚山**

北 在縣治東北五十里 **岸裏山** 在縣治北九十九里

管排空 **直加連巔** 在縣治東九十里 **東螺溪** 在縣治南四十里

而西過馬辰樹仔脚 藉兒干 瀝於 **西螺溪** 在縣治南五十里 **貓**

羅溪 在縣治東北二十里 由 **清水溪** **濁水溪** 二溪

縣治東南六卡里 源出水沙連內山 兩支 **萬丹溪** 在縣

五十里 源出內山 西瀝為 **萬斗六溪** 在縣治東北二

蘆肚 迺城頭坑 會萬斗六溪 **萬斗六溪** 在縣治東北二

入海 草港之北 為水裏溪 **蛤滿溪** 在縣治北四十五

淡彰交 **牛罵溪** 在縣治北四十五里 **大甲溪** 在縣治北四十里

界處 發岸裏內山 過 **海豐港** 在縣治南六十里 海

山南分於牛罵溪 西入海 **海豐港** 在縣治南六十里 海

粟鹿子港

在縣治西十五里港口有水榭可容六七十里

三林港

在縣治西南四十里海以港口有網寮捕魚

裏港

在縣治北二十里海以小港

淡水廳

香山

在廳治南十里

嘉志閣山

在廳治南六十里

老衢山

在廳治南

大甲山

在廳治南一百里

後壠山

在廳治南四十五里

蓬山

在廳治南

銀錠山

在廳治東南九十六里象形舊名鐵砧

宛里山

在廳治東南八十五里

日山

在廳治東南九十四里

貓孟山

在廳治東南九十里

礁老叭山

在廳治東南五

十五里亦名打那拔山小

貓裏山

在廳治東南六十里

交眉山

在廳治

合歡山

在廳治東南六十里

南山

在廳治東十里

三台山

在廳治東八十里

磺山

在廳治東一百八十里其土生硫土所產指茅蘆後山麓間明日坐蟒甲中命二番兒

社西極港口循港而東為關渡門稗海記遊云問番人

操楫絲溪入溪盡為內北投社呼社人為導轉東行半

里入茅棘中勁茅高丈餘兩手排之側體而入炎日薄

五步之內已各不相見慮或相失各聽呼應聲為近遠

約行二三里渡雨小溪皆履而涉復入深林中林木蒼

落有大如掌者樹上禽聲萬變耳所創聞目不得親其

狀涼風襲肌幾忘炎暑復越峻坡五六值大溪溪廣四

五丈水潺湲噴石間與石皆作藍靛色導人謂此水源

出硫穴下是沸泉也余以一指試之猶熱甚扶杖躡巉

石渡更進二三里林木忽斷始見前山又陟一小巔覺

覆底漸熱視草色萎黃無生意望前山半麓白氣縷縷

如山雲乍吐搖曳青嶂間導人指曰是硫穴也風至硫

氣甚惡更進半里草木不生地熱如炙空右兩山多巨

石為硫氣所觸剝蝕如粉白氣五十餘道皆從地底騰

激而出沸珠噴濺出地尺許余攬衣即穴傍視之聞怒

雷震蕩地底而驚濤與沸鼎聲聞之地復岌岌欲動令

人心悸蓋周廣百畝間實一夫沸鑊余身乃行鑊蓋上

所賴以不陷者熱氣鼓之耳右傍巨石間一穴獨大思

不小龜崙山在廳治東北一百里祐武乃山在廳治東北一百里

障南日諸山之後龍盤查內山在廳治東北五十里生番所居

遙接關渡門諸社及查內山查內山在廳治東北五十里生番所居

鷄籠山在廳治東北二百五十里大海中柳里歷山在

治東北三望巍然日本洋船以為指南關渡門山在廳治東北

十五里蛤子難山在廳治東北五百里關渡門山在廳治東北

海山在廳治東北一百八十里雞柔山在廳

北一百八里小鳳山在廳治北十里路多岸裏山在廳治

十五里南嵌山在廳治北一百里太平山在廳治北一

內有新附五社大遯山在廳治北一百六十五里小雞籠蛇而南

內山烟霏霧靄峯巒不八里坌山在廳治北一百八

可枚舉諸山起祀於此小雞籠鼻頭山在廳治北一百

西雄偉傑出於淡水港山朝山在廳治北一百

東南是為東南之鎮山石中空如金包裹山在廳治北二

石中空如金包裹山在廳治北二

自雞籠山分支東渡八尺門港巔峯迢迢高不可虎頭

極山南為蛤仔難三十六社生番所居人跡罕到

山各倒旗山在廳買猪末山在廳治東北

在廳治東北二大雞籠嶼在廳治東北二百五十里城

舊址偽鄭與日本交易處上建石城即郡城八景之雞

龍積雪也臺地無霜雪獨此嶼極北寒甚冬有積雪今

設汛防其地以在大海中欲至其獅球嶼在廳治東北

濱海有大山如獅小山如毬又名桶盤嶼在廳治東北

為半月沉江與峯紫峙嶺北連界香爐在廳治東北

里屹立海中離六雞籠水燭臺嶼在廳治東北二

程八里此處可泊巨艦香爐在廳治東北二

嶼在廳治東北二百旗竿石在廳

臺灣府志

卷之一 山川

六

之北出中港後壠溪 在廳治南四十五里源發插裏山社西入於海

嘉志閣溪 在廳治南六十里 礁老叭溪 在廳治南五十五里源發插武乃山出南日礁

老叭二山之南為礁 大安溪 在廳治南九十二里險如老叭港西入於海

必待水落邊海而行源發水沙連內山北過岸裏南日一山支分於南日社之後者日房裏溪支分於銀錠山

於巽寮海口而入於海蓬山溪 在廳治南一百一十里山又西為鳳山溪 在廳治東北十里源發查內

港入海 霄裏溪 在廳治東北九十里 茄冬溪 在廳治東長九十五里

田厝溪 在廳治東北一百一十里 竹塹溪 在廳治北十五里潮豆溪 在廳治東北八里全山之北為淡水港

山朝溪 在廳治東北八里全山之北為淡水港 山朝溪 在廳治東北八里全山之北為淡水港

水又東行受查大溪 在廳治北五十里源發自查內山內山水西入海

田厝溪 在廳治東北八里全山之北為淡水港 山朝溪 在廳治東北八里全山之北為淡水港

石礦溪 在廳治北一百八十五里源發插山內過內尺門港 眩眩溪 在廳治西五里源發眩眩內山合隣仔

勞施港 在廳治南一百一十里 蓬山港 在廳治南一百一十里 中港 在廳治南三十里

此人港口多石商 蛤仔難港 在廳治東北五百五十里 淡水港 在廳治北二百一十里海口水

往來俱用二港西至擺接社止東北至峯紫峙止番民此八尺門港 在廳治北二百二十里雞籠港

治北二百五十里三面皆山獨北面漸海港 造船港 在廳治北二百五十里

日又有雞籠桶盤二嶺包裹周密可泊商船 溫泉 在山朝龍目井

者潮過小鳳山至南嶺社南受查溫泉 在山朝龍目井

內山水東受閩渡門水西入海

溫泉 在山朝龍目井

溫泉 在山朝龍目井

溫泉 在山朝龍目井

溫泉 在山朝龍目井

在大雞籠山之麓下臨大海四周斥鹵泉湧如珠瀆地而起獨甘冽冠於全臺不知開自何時大約荷蘭所濬也

澎湖廳

虎井嶼

在廳治南水程二十里

雞籠嶼

在廳治南水程八里

在廳治南水程十二里

金雞嶼

在廳治南水程五十里

南嶼

在廳治南水程一百里亦稱大

布袋嶼

在廳治南水程五十里

八罩山嶼

在廳治南水程八里居民稠密

砧嶼

在廳治南水程七十里有石砧故名

頭巾嶼

在廳治南水程七

似名

將軍嶼

在廳治南水程五十里舊名將軍廟

馬鞍嶼

在廳治南

水程五十里

狗沙嶼

在廳治南水程五十里獨多船帆嶼

治南水程五十里

半坪嶼

在廳治南水程七十里分東西

西吉嶼

在廳治東南水程八十里

香爐嶼

在廳治東水程三

在廳治東

陽嶼

在廳治東水程四十五里陰嶼在廳治東水程四十三里

必驗此以定去向乃入臺之指南車也

大山嶼

在廳治東水程八十里東西二吉渡海時鋤頭增嶼

名破

奎壁嶼

在廳治東北水程四十三里

虎皆此

險礁嶼

在廳治北水程四里或稱後埭或稱尾

有南北

籃笨嶼

在廳治北水程三

員貝嶼

在廳治北水程三

吉貝嶼

在廳治北水程六十五里

在廳治北

中墩嶼

在廳治北水程三十五里

在廳治北

姑婆嶼

在廳治北水程五十五里

形如人眼

又名月眉

大倉嶼

在廳治北水程十五里

治北水程

五十五里

土地公嶼

在廳治北水程五十五里

水程三

鳥嶼

在廳治北水程三十八里

丁字門嶼

在廳治西水程三十里

水程三

鳥嶼

在廳治北水程三十八里

丁字門嶼

在廳治西水程三十里

大貓嶼 在廳治西水程六十里 小貓嶼 在廳治西水程六十里 烈

花嶼 在廳治西水程五十里 草嶼 在廳治西水程八十里 墨嶼 在廳治西水程八十里

西嶼 在廳治西水程二十里 四角仔嶼 在廳治西南水程五里 天后澳 在廳治西水程八十里

湖中央即媽宮澳澎湖廳駐劄處澳者案山仔澳 在廳治南水程八十里

就可泊船之處而言各澳即在案山仔澳中 雞母灣 在廳治南水程八十里

尾澳 在廳治南水程二十里 禪坡澳 在廳治南水程二十二里 居

時裏澳 在廳治南水程二十里 猪母落水澳 在廳治南水程十七里 西

坡澳 在廳治南水程五十里 網坡 按毛潭澳 在廳治南水程五十里

水程五十里 即撓布袋澳 在廳治南水程五十里 內廣狀如布袋

水坡澳 在廳治南水程五十里 將軍澳 在廳治南水程五十里 花

宅澳 在廳治南水程五十里 將軍澳 在廳治南水程五十里 沙

釣澳 在廳治南水程五十里 承質澳 在廳治南水程一百里 越此而西有

少內澳 在廳治南水程五十里 烏嵌澳 在廳治南水程五十里 雙頭掛澳 在廳治

里亦可避北風 文良港澳 在廳治南水程二十五里 東西衛澳 在廳治東

在廳治東六里可泊船者惟東衛 鎖管港澳 在廳治東六里 又

名墨 林投澳 在廳治東九里 問子澳 在廳治東九里 文澳 在廳治東

里即奎壁港澳 在廳治東二十五里 蚌脚嶼澳 在廳治東二十五里 紅

尖山仔澳 在廳治東二十五里 紅羅罩澳 在廳治北二十五里 紅

毛城澳 在廳治北二十五里 鎮海澳 在廳治北二十五里 港尾澳 在廳治

里鎮海之西 大赤嵌澳 在廳治北六十里 小赤嵌澳 在廳治北六十里

城前澳 在廳治北四十里 瓦碇港澳 在廳治北五十里 後寮澳 在

治北二十五里 以上 吉貝澳 在廳治北六十里 沙港 在

七澳名爲大北山 山川 三

底澳 在廳治北二十二里 西溪澳 在廳治北十九里 白猿坑

澳 在廳治北二十五里 青螺澳 在廳治北二十二里 后窟潭澳 在廳治西北三里一名潭

邊通標港澳 在廳治西北五十里 橫礁澳 在廳治西北三十里西與之東 小門

澳 在廳治西北三十里 小果葉澳 在廳治西水程二里 新城澳 在廳治西北

治西一里亦竹篙灣澳 在廳治西水程二十五里西與

稱烟墩脚大吡門 在廳治西水程二十里 大果葉澳 在廳治西水程二十里 緝馬灣澳

波濤洶湧舟楫罕通 在廳治西水程二十里 大池角澳 在廳治西水程十八里 小池角

俗呼為牛心灣澳 在廳治西水程十五里 大池角澳 在廳治西水程十八里 內塹澳 在廳治西

師公礁 在廳治西水程十五里 大池角澳 在廳治西水程十八里 內塹澳 在廳治西

在廳治西北風可寄泊 在廳治西水程十八里 內塹澳 在廳治西

西與之南北風可寄泊 在廳治西水程十八里 內塹澳 在廳治西

澳 在廳治西水程十六里 後灣澳 在廳治西水程十八里 內塹澳 在廳治西

里外塹澳 在廳治西水程二十里 內塹澳 在廳治西

皇輿圖皆作南北向初不解後

有閩人云臺山發軔於福州鼓山自閩安鎮官塘山白

犬山 與前關同白 過脈至雞籠山故皆南北峙立往來

日本琉球海船率以此山為指南 使樣錄

臺地諸山本無正名皆從番語譯出 赤嵌集

大海洪波止分順逆凡往異域順勢而行惟臺與厦藏

岸七百里號曰橫洋中有黑水溝色如墨曰墨洋驚濤

鼎沸險冠諸海或言順流而東則為弱水昔有閩船飄

至弱水之東閱十二年始得還中土 赤嵌集

由大崙出洋海水深碧或翠色如靛紅水溝色稍赤黑

水溝如墨更進為淺藍色入鹿耳門色黃白如河水 赤嵌

筆談

泛海不見飛鳥則漸至大洋近島嶼則先見白鳥飛翔

赤嵌集

海吼俗呼海叫小吼如擊花鑼鼓點點作散豆聲乍遠乍近若斷若連聽之有成連鼓琴之致大吼如萬馬奔騰鉦鼓響震三峽崩流萬鼎共沸惟錢塘八月怒潮差可彷彿觸耳駭愕余常濡足海岸俯瞰溟渤而靜淥淵渟會無波瀾不知聲之何從出然遠海雲氣已漸興而風雨不旋踵至矣海上人習聞不怪曰是雨徵也若冬月吼常不雨多主風稗海紀遊

廈門至澎湖水程七更澎湖至鹿耳門水程五更志約

六十里為一更亦無所據按樵書二編云更也者一日一夜定為十更以焚香幾枝為度船在大洋風潮有順逆行使有遲速水程難辨以木片於船首投海中人從船首速行至尾木片與人行齊至則更數方准若人行至船尾而木片未至則為不上更或木片反先人至船尾則為過更皆不合更也舟子各洋皆有秘本云係明王三保所遺余借錄名曰洋更赤嵌筆談

玉山在萬山中其山獨高無遠不見巉巖峭削白色如銀遠望如太白積雪四面攢峯環繞可望不可即皆言此山渾然美玉番人既不知寶外人又畏野番莫敢向適每晴霽在郡城望之不啻天上白雲也番境補遺

大岡山之頂蟻房壳甚多滄海桑田亦不知其何時物也山上有湖雨則水滿山陰有古石洞莫測其所底或以瓦擲之窅然無聲相傳其下通於海云舊志

港西里赤山之頂不時山裂湧泥如火燄隨之有火無烟取薪芻置其上則烟起名曰火山鳳山志

南仔仙山後有火出石畔撲之亦滅吹之輒起臺灣風土記

仙人山在沙馬磯頭其頂常帶雲霧非天朗氣清不得見也故老言時有絳衣縞衣者對奕說近無稽然生成之石棋盤棋凳猶存鳳山志

諸羅貓羅貓霧二山之東山上晝常有烟夜常有火在野番界內人跡罕到舊志

玉峯山後山之麓有小山其下水石相錯石罅泉湧火出水中有燄無烟焰發高三四尺晝夜不絕置草木其上則烟生燄烈皆化為燼同上

入大武郡山行十餘日有石湖其社曰茄荖網湖大里許天將雨湖輒水漲丈餘或以為湖底有眼通海同上

水沙連四周大山山外溪流包絡自山口入為潭廣可七八里曲屈如環圍二十餘里水深多魚中突一與番繞與以居空其頂頂為屋則社有火災岸草蔓延繞岸架竹木浮水上藉草承土以種稻謂之浮田隔岸欲詣社者必舉火為號番划蟒甲以渡與圓淨開爽青嶂白波雲水飛動海外別一洞天同上

水漣潭在半線方廣二丈餘形若井崇山環列天將風雨則水漲發聲如潮番民以占陰晴上同

八里坌潭在八里坌山絕頂形三角類人力為之周可數畝清深莫測土番間因逐鹿而至漢人罕能陟也諸羅志

劍潭在北淡水大浪碇社二里許番划艚舢以入水甚

濶有樹名茄冬高聳障天大可數抱峙於潭岸相傳荷

蘭人插劍於樹生皮合劍在其內因以為名臺灣志畧

關渡門從淡水港東入潮流分為兩支東北由麻少翁

搭搭悠凡四五曲至峯紫峙西南由武勝灣至擺接各

數十里而止包絡原野山環水聚洋洋乎巨觀也諸羅志

凡水皆東流邑治之水獨西臺海在西三邑攸同也

粵間水源自山涯流揚波謂之溪溪漸於海潮汐應焉

謂之港海汊無源潮流而滯隨其所到以為遠近亦謂

之港同上

大岡山狀如覆舟天陰埋影晴則見上有仙人跡鐵

蒲兒碗龍耳甕在焉相傳國有大事此山必先鳴臺灣志畧

奇冷山即奇嶺社之山高百丈臺灣最暖此山獨積雪

至春杪不化同上

由斗六門東入渡阿拔泉又東入為林璣埔亦曰二重

埔土廣而饒環以溪山為水沙連及內山諸番出入之

口險阻可據有路可通山後哆囉滿諸羅志

形勝

臺灣府東抵羅漢門莊內門六十五里是日中路西抵澎

湖三百二十里

水程四更計二口四十里澎湖羅橫皆八十里

南抵沙馬磯頭

四百六十里是日南路北抵雞籠六百三十四里是日

北路東西廣三百八十五里南北袤一千九十四里

臺灣縣

附郭

東至羅漢門莊內門六十五里西至海三三南

至二贊行溪鳳山縣界二十里

原至依仁里交界僅北

至新港溪諸羅縣界二十里

溪以南有新港社新化里原屬諸羅雍正十二年改

溪南屬臺灣

溪北屬諸羅廣六十八里袤四十里

鳳山縣東至港西旂尾溪五十五里

東南歷大澤機檳榔林七十里

西至

打鼓港一十里南至沙馬磯頭三百七十里北至二贊

行溪臺灣縣界五十里廣六十五里袤四百四十五里

距府九十里

諸羅縣東至大武巒山二十一里西至大海三十里南至

新港溪臺灣縣界八十里北至虎尾溪彰化縣界五十

里廣五十一里袤一百三十里距府一百里

彰化縣東至南北投大山二十里

按內山深處難以里計此據近縣山麓而言

西至大海二十里南至虎尾溪諸羅縣界五十里北至

大甲溪四十里廣四十里袤九十里距府二百里

淡水

西

東至南山十里西至大海七里南至大甲溪

一百一十九里北至大雞籠城二百七十五里廣十七

里袤四百八十四里距府三百五十九里

澎湖廳東至東吉嶼八十里西至草嶼八十里南至南嶼一百里北至日與八十里距府二百四十里皆係水程故不計廣表

臺灣府處大海之中坐東南面西北為江浙閩粵四省之外界諸島往來之要會福建海防志緣高邱之阻以作屏臨

廣洋之險以面勢蓉州文稿澎湖為門戶鹿耳為咽喉鳳山縣志七鯤身毗連環護三茅港滙聚澄泓客問誠天設之險與

紀要為海疆最要平臺異同郡中八景日東溟曉日西嶼落霞安平晚渡沙鯤漁火鹿耳春潮雞籠積雪澄臺觀海斐亭聽濤

臺灣縣東倚層巒西迫巨浸島上附傳木岡山高聳特拔羅漢

門局勢宏敞臺灣志畧外環大海雲漲霞平內阻重山沙迷

霧列客問極東南之奧諸羅雜記扼鳳諸之冲臺灣風土紀控南澳

阻銅山蓉州文稿邑中八景日木岡挺秀蓮湖飄香北線廻

關赤嵌遠眺龍潭夜月金雞曉霞井亭夜市郡圃榕梁

縣志八景作鹿耳連帆鯤身集網赤嵌夕照金雞曉霞鯽潭霽月雁門烟雨香洋春穉旗尾秋蒐

鳳山縣址因故鎮鹿耳門印事僻處海邊臺灣風土記蔥鬱宏開離

奇盤結客問大岡小岡嶢峴鬼崔半崩半屏巒嵒崑崙臺灣賦

磯聳沙馬林險阿猴臺灣志畧傀儡高峯近接天際琉球

孤嶼遠映海中縣志邑中八景日鳳岫春雨泮水荷香椰

嶠潮聲岡山樹色翠屏夕照丹渡晴帆淡溪秋月球嶼曉霞

諸羅縣全臺鎖鑰逕道蜿蜒宋永清論南自新港北至虎尾臺

風土記 壘岫參差連岡撼憂客問 白玉山插翠青霄大武隴

深入邃海臺志 其龍從之迴環者不可紀極其浩瀚之

奔流者無不朝宗舊志 千里之雄圖上流之要地縣志 邑中

八景曰玉山雲淨龍目泉甘按龍目泉今隸淡水乾隆

定日蘭 榘圃風清梅坑月霽北香秋荷水沙浮巖按水

井泉甘 今隸彰化乾隆二十七年知縣衛克培改

彰化縣壘嶂如屏連峰插漢釋海紀遊 山有火燄姑婆之奇溪

有虎尾大甲之險臺志 近防三林鹿子遠控淡水雞籠

通志 回海山之僻壤亦宇宙之奧區客問 邑中八景曰燄峯

朝霞鹿港夕照鎮亭晴雲綠社烟雨虎溪春濤海豐漁

火眉潭秋月肚山樵歌

淡水廳崇山大川深林曠野臺海使 淡水江北海之津梁

客問 小雞籠蜿蜒而南烟霏霧靄峰巒不可枚舉舊志 西通

大海東結層巒使槎錄 圭心石門蓬山後壠重洋砥柱攬

浪搏潮客問 洵扼要險區也赤炭筆談 廳治四景曰全嶺吐霧

成臺夕陽淡江吼濤關渡分潮乾隆二十九年署

澎湖廳五十巖巨細相間坡壠相望舊志 險口不得方舟內

溪可容千艘方輿紀要 為漳泉南戶海防志 東則海壇西則南

澳誠天設之險方輿紀要

附考

臺灣為土番部族在南紀之曲當雲漢下流東倚層巒

西迫巨浸北至雞籠城與福州對峙南則河沙磯小琉
球近焉周袤三千餘里孤與環瀛相錯如繡島上附傳

自鷺門金門迤邐東南達澎湖數千里風濤噴薄悍怒

激鬪瞬息萬狀子午稍錯北則墜於南風悉南則入於

萬水朝東有不返之憂又東至鹿耳門夾以七鯤身北

線尾海道紆折僅容數武水淺沙膠雖長年三老不能

保舟不碎餘乃山羅礁湧無由以入其險不測如此同上

雞籠山島野夷亦謂之東番萬歷四十四年倭酋取其

地東番諸山其人盛聚落而無君長習鏢弩少舟楫自

昔不通中國方輿紀畧

臺灣處大海之中地形坐東南而西北自東北而至西

南如列屏為中國江浙閩粵之外界北近海多平地可

耕土番及人民聚落以百數山背東南一望洗洋舟楫

所不到土番加磅使種類居焉自紅夷以至鄭氏皆不

能綏附聞中國盛德悉來臣服贊其方物故我

國家邊陲極於海東數萬里置郡縣實古所未有福建海防志

臺灣在福建之東南地隔重洋形勢廣袤可至者凡千

六七百里外此則生番所居與熟番阻絕遠望皆大山

巒嶂莫知紀極可以置而不議府治南北千有餘里越

港卽水師安平鎮又有七鯤身沙線潮平可通安平港

內為水師戰艦商民舟楫止宿之地港名鹿耳門出入

僅容三舟左右皆沙石淺淤焉此臺灣之內門戶也衡

渡至澎湖島嶼錯落有名號者三十六島澎湖溝底皆大石參錯凡港泊有南風北風二者殊澳此臺灣之外門戶也然臺灣之可通大舟者尚有南路之打鼓及東港北路之上淡水凡三處而惟上淡水可容多船港門爲正也其可通小舟者尚有南路之蟻港北路之鹹水港及八掌港笨港海豐港鹿子港大甲西二林三林中港竹塹蓬山凡十二處而笨港井有小港可通鹿耳門內卽名馬沙溝是也總之臺灣三路俱可登岸而惟鹿耳門爲用武必爭之地者以入港卽可以奪安平而扼府治也奪安平則舟楫皆在港內所以斷其出海之路抗府治則足以號令南北二路而絕依附之門故一入

鹿耳門而臺灣之全勢舉矣或云鹿耳門爲天險門戶而又上設礮臺防亦密矣萬一攻之不入兵法有攻堅而取者亦堅其謂之何不如由北路之上淡水進兵所謂行師如過於衽席之上者謀非不臧也而不知由北路進兵則其勢主緩緩則必以衆而臨寡以強而併弱由鹿耳門進兵則其勢主捷捷則有以反主客之形或控制之師而且安平不據澎湖尚孤彼賊徒者急而揚帆不無他虞也是故覘臺灣之形勢而必講明於得入鹿耳門之要爲最急

理臺末議

臺郡無形勝可據四圍皆海水底鐵板沙線橫空布列無異金湯鹿耳門港路紆迴舟觸沙線立碎南礁樹白

旗北樵樹黑旗名曰盪纓亦曰標子以便出入潮長水深丈四五尺潮退不及一丈入門必懸起後柁乃進赤嵌

筆談

鹿耳門內浩瀚之勢不異大海其下實皆淺沙若深水可行舟處不過一綫而又左右盤曲非素熟水道者不敢輕入所以稱險

稗海紀遊

臺郡往來船隻必以澎湖為關津從西與頭入或寄泊嶼內或媽宮或八罩或鎮海與然後渡東吉洋凡四更船至臺灣入鹿耳門行舟者皆以北極星為準黑夜無星可憑則以指南車按定子午格異向而行倘或子午稍錯南犯呂宋或暹羅或交趾北則飄蕩莫知所之此

入臺者平險遠近之海道也至若臺灣郡治之海道自鹿耳門北至雞籠十九更自鹿耳門南至沙馬磯頭十一更苟遇颶風北則墜於南風悉一去不可復返南則入於萬水朝東皆極險此又居臺者之不可不知也舊志放洋全以指南針為信認定方向隨波上下目針路船由浯嶼或大登放洋用羅經向巽已行總以風信計水程遲速望見澎湖西與頭貓與花嶼可進若遇黑水溝計程應至澎湖而諸嶼不見定失所向仍收泊原處候風信由澎湖至臺灣向巽方行近鹿耳門隙仔風日晴和舟可泊若有風仍回澎湖赤嵌筆談海洋汎舟固畏風又甚畏無風大海無櫓搖棹撥理千

里萬里祇藉一帆風耳自大嶺放洋後初渡紅水溝再渡黑水溝臺灣海道惟黑水溝最險自北流南不知源出何所海水正碧溝水獨黑如墨勢又稍窪故謂之溝廣約百里湍流迅駛時覺腥穢襲人又有紅黑間道蛇及兩頭蛇繞船遊泳舟師時時以楮鏹投之屏息喘喘懼或順流而南不知所之耳紅水溝不甚險人頗泄視之然二溝在大洋中風濤鼓浪與綠水終古不消理亦難明渡溝良久聞鈺鼓作於舷間舟師來告望見澎湖矣登鷓尾高處憑眺祇覺天際微雲一抹如綫徘徊四顧天水欲連一舟蕩漾若織埃在明鏡中

稗海紀遊

獨坐舷際時近初更皎月未上水波不動星光滿天與

波底明星相映上下二天合成圓器身處其中遂覺宇

宙皆空

同上

海上夜黑不見一物則擊水以視一擊而水光飛濺如

明珠十斛傾撒水面晶光熒熒良久始滅亦奇觀矣

同上

離澎湖海水自深碧轉為淡黑回望澎湖諸島猶隱隱可見頃之漸沒入烟雲之外前望臺灣諸山已在隱現間更進水變為淡藍轉而為白而臺郡山巒畢陳目前矣

同上

海船已抵鹿耳門為東風所逆不得入而門外鐵板沙又不可泊勢必仍返澎湖若遇月黑莫辨澎湖島澳又不得不重回廈門以待天明者往往有之矣海上不得

順風寸尺爲艱

同上

海風無定亦不一例常有兩舟並行一變而此順彼逆禍福攸分

同上

臺灣至澎湖五更澎湖至廈門七更廈門至上海四十
七更寧波近上海十更俱由廈門經料羅在金門之南
澳可泊數百船沿海行至惠安之崇武澳泊船可數十
經湄洲至平海澳可泊船數百至南日澳僅容數艘南
日至古與門從內港行古與至珠澳復沿海行二里皆
小港南日古與東出沒隱見若近若遠則海壇環峙諸
山也白犬官塘亦可泊船至定海有大澳泊船百餘至
三沙烽火門北關澳亦如之此爲閩浙交界至金香鳳

皇三弁石童雙門牛頭門盡沿海行至石浦所亂礁洋
崎頭門舟山登厝澳盡依內港其登厝澳之東大山巒
出卽舟山地赴上海寧波至此分艚從西由定海關進
港數里卽寧波從北由羊山放大洋至吳淞進港數里
卽上海九月後北風盛尤利涉自登厝澳從西北放小
洋四更至乍浦海邊俱石岸北風可泊於羊山與向北
過崇明外五條沙轉西三十四更入膠州口過崇明外
五條沙對北三十二更至成山頭向東北放洋十一更
至旅順口由山邊至童子溝島向東沿山七更至蓋州
向北放洋七更至錦州府

赤嵌
筆談

羅漢門在郡治之東自猴洞口入山崇岡複嶺多不知

名行數里爲虎頭山諸峰環列樹惟榦椰過大灣崎廬
竹坑咬狗坑又東南經土樓山壁平如削上則獼猴跳
擲虞人張羅以捕稍前爲壘浪崎出茅艸埔度雁門關
嶺回望郡治海天一色去關口里餘中爲深塹可數十
丈緣崖路狹不堪旋馬一失足便蹈不測五里至石頭
坑四里至長潭清瑩可鑑潭發源於分水山後由羅漢
門坑入岡山溪同注於海自番子寮迤邐至小烏山後
入羅漢內門峯迴路轉眼界一開沃衍平疇極目數十
里東則南仔仙山東方木山隔淡水大溪爲旗尾山西
則小烏山南爲銀錠山北爲分水山目猫嶽山層巒疊
巘蒼翠欲滴暝色尤堪入畫民莊凡三外埔中埔內埔

居民約二百餘口內埔汛兵五十名分防猴洞口狗勻
崑諸地則寥寥三十餘人而已先是山長潭東南行至
夏尾藍脚帛寮轉北至外埔莊後以逆黨黃殿潛踪內
埔而甕菜岑鼓壇坑尤爲奸匪出沒之所禁止往來外
埔東南由觀音亭更寮崙番子路頭至大崎越嶺卽爲
外門去大傑嶺社十二里中有民居爲施里莊北勢莊
莊盡番地往年代納社餉招佃墾耕繼以遠社生番乘
間殺人委而去之今則芟草不可除矣自社尾莊割蘭
坡嶺可赴南路由木岡社卓猴可赴北路外此羊腸鳥
道觸處皆通峻嶺深谷叢奸最易土人運炭輦稻牛車
往來徑路逼狹不容並軌惟約晝則自內而外夜則自

外而內因以無阻夏秋水漲坑塹皆平則迷津莫渡矣
使棧錄

上淡水在諸羅極北中有崇山大川深林曠野南連南
嵌北接雞籠西通大海東倚層巒計一隅可二百餘里
洵扼要險區也外為淡水港八里坌山在港南圭柔山

一作雞柔在港北兩山對峙夾束中流南北有二河南河源

出武勝灣行四十餘里北河源出楓仔巖行百餘里俱
至大浪泵會流出有脰門即開渡門入淡水港曲折委宛五

十餘里而歸於海圭柔山麓為圭柔社由山西下數里
有紅毛小城高三丈圍二十餘丈今圯城西至海口極

目平行名虎尾今淡水營所駐也兩山南北重岡複嶺

灌莽叢翳南則武勝灣里末擺接秀朗諸社北則麻少

翁外北投內北投大浪泵麻里即吼楓仔巖諸社礮山

在內北投濱河山僅數仞寸艸不生自淡水經楓行與

上下十里過港至雞籠山高多石山下即雞籠社稍進

為雞籠港港道狹隘港口在紅毛石城非圓非方圍五

十餘丈高二丈遠望為小雞籠與番不之居惟時於此

採捕循此而上至山朝社又上至蛤仔難諸社深箐鳥

道至者鮮矣南路界盡沙馬磯頭相傳地脈直接呂宋

凡舟赴呂宋必由此東放大洋有澳名龜那禿北風時

大船可泊沙馬磯頭之南行四更至紅頭巖皆生番聚

處不入版圖地產銅所用什物俱銅器同上

竹塹過鳳山崎一望平蕪捷足者窮日之力乃至南嵌
 時有野番出沒沿路無村落行者亦鮮孤客必倩熟番
 持弓矢為護而後行野水縱橫或厲或揭俗所云九十
 九溪也遇陰雨天地昏慘四顧悽絕然諸山秀拔形勢
 大似漳泉若碁置村落設備禦因而開闢之可得良田
 數千頃同上

關渡門從淡水港東入潮流分為兩支東北由麻少翁
 搭搭悠凡四五曲至峰仔峙西南由武勝灣至擺接各
 數十里而止包絡原野山環水聚洋洋乎巨觀也同上

淡水至雞籠有東西兩路西由八里坌渡砲城循外北
 投雞柔大遯小雞籠金包裹諸山之麓至雞籠內海可

一百二十里沿路內山外海多巨石巉巖甚峙去數
 武其下澗水淺深不一行人跳石以渡失足則墜於水
 東由關渡門坐蟒甲乘潮循內北投大浪泵至峰仔峙
 港大水深派灘河可四十里而登岸踰嶺十里許即雞
 籠內海同上

淡水者臺灣西北隅盡處也高山嵯峨俯瞰大海與閩
 之福州府閩安鎮東西相望隔海遙峙計水程七八更
 耳山下臨江俾倪為淡水城亦前紅毛為守港口設者
 鄭氏既有臺灣以淡水近內地仍設重兵戍守釋海紀遊
 緣海東行百六七十里至雞籠山是臺之東北隅有小
 山圓銳去水面十里孤懸海中以雞籠名者肖其形也

過此而南則為臺灣之東面東面之間高山阻絕又為野番盤踞勢不可通而雞籠山下實近弱水秋毫不載舟至即沉或云名為萬水朝東勢傾瀉捲入地底滔滔東逝流而不返二說未詳孰是

同上

淡水登舟半日即望見官塘山

一作關重

自官塘趨定海行

大海中五十里至五虎門兩山對峙勢甚雄險為閩

省門戶門外風力鼓盪舟甚顛越既入門靜淥淵渟與

門外迥別更進為城頭

土音亭頭

十里至閩安鎮數十里至

南臺大橋

裨海紀遊

澎湖島北起北山南盡八罩澳北山龍門港丁字門西真頭倭所必由為最要地媽宮前峙裏澳為次要地春

汛以清明前十日為期駐三箇月冬汛以霜降前十日

為期駐二箇月浯銅二寨分兵為聲援汛畢險要地各

有兵船哨守命曰小防

漳州府志

泉州順風二晝夜至澎湖溝水分東西流一過溝水則

東流達於呂宋回日過此溝則西流達於漳泉

同上

水至澎湖漸低近琉球謂之落漈漈者水趨下而不回

也凡西岸漁舟到澎湖以下遇颶風發漂流落漈回者

百無一

續文獻通考

觀澎湖諸島夏月正值南風由媽宮澳入港順駛最易惟出港逆風未可時計或收入八罩從挽門潭上岸登天后山四望則三十六島嶼形勢盡在目前

赤嵌筆談

澎湖島在琉球國水行五日地近福州泉州興化漳州四郡界天氣晴明望若烟霧

明一統志

海中島嶼最險要而紆迴則莫如澎湖蓋其山周回數百里險口不得方舟內溪可容千艘海中舊有三山之目澎湖其一耳東則海壇西則南澳誠天設之險何可棄以資敵

方輿紀要

福州海中有澎湖島相去三千里晴日髣髴可見有叅將領兵駐之自福州順風而往不半日至也

玉堂叢記

澎湖僻在興泉外海其地為漳泉南戶日本呂宋東西洋諸國皆所必經南有港門直通西洋

福建海防志

鄭成功竊踞臺灣用澎湖為外藪康熙二十二年六月

將軍施琅統兵自銅山攻破據之八月遂克臺灣

諸羅雜識

澎湖為漳泉之門戶而北港即澎湖之唇齒失北港則唇亡齒寒不特澎湖可慮即漳泉亦可憂也北港在澎

湖東南亦謂之臺灣

方輿紀要

澎湖媽宮西與頭北港八罩四澳北風可以泊舟若南風不但有山有巽可以寄泊而平風靜浪黑溝白洋皆可暫寄以俟潮流洋大而山低水急而流迴北之吉貝沉礁一線直至東北一目未了內皆暗礁布滿僅存一港蜿蜒非熟習深諳者不敢棹至

海國聞見錄

續修臺灣府志卷之一終

其地雖非極高而亦不復於生

其地一絲其全地皆一曰其地之內皆山脈其地皆一

其地皆以山脈其地皆大而山脈其地皆以山脈其地皆

風不山其山其地皆以山脈其地皆以山脈其地皆以山脈

其地皆以山脈其地皆以山脈其地皆以山脈其地皆以山脈

其地皆以山脈其地皆以山脈其地皆以山脈其地皆以山脈

其地皆以山脈其地皆以山脈其地皆以山脈其地皆以山脈

其地皆以山脈其地皆以山脈其地皆以山脈其地皆以山脈

其地皆以山脈其地皆以山脈其地皆以山脈其地皆以山脈

